



Թաղես առաքեալ, որ հրաշքով ազատած էր, բանտ զևաց եւ քաջալերեց Սանդուխտը՝ իր հաւատքին մէջ անդրդրուելի մնալու համար: Թագաւորը ի զուր փորձեց համոզել Սանդուխտը, որ հրաժարի իր նոր հաւատքէն եւ վերադառնայ կռապաշտութեան: Սակայն ան հաստատ մնաց իր հաւատքին մէջ: Այն ատեն Սանատրուկ սպանել տուաւ թէ՛ Սանդուխտ կոյսը եւ թէ՛ Թաղես առաքեալը, 66 թուին:

Թաղես առաքեալի գերեզմանը կը գտնուի Արտագ գաւառին մէջ, ուր կառուցուած է Ս. Թաղեսի վանքը:

Ս. ԹԱԴԵՈՍ ԵՒ Ս. ԲԱՐԹՈՂԻՄԵՈՍ

Հայաստանի մէջ Քրիստոնէութիւնը քարոզող առաջին առաքեալները եղան Ս. Թաղեսն ու Ս. Բարթողիմէոս:

Ս. Թաղես առաքեալ

Ս. Թաղես առաքեալ Քրիստոսի աշակերտներէն մէկն էր: Քրիստոնէութիւնը քարոզելու համար զևաց ասորիներուն Եդեսիա քաղաքը, ուր Յիսուսի խօսքը քարոզեց: Ան քրիստոնէութիւնը քարոզեց ժողովուրդին: Բազմաթիւ մարդիկ եւ նոյնիսկ իշխաններ Յիսուսին հաւատացին եւ մկրտուեցան:

Ս. Թաղես առաքեալ Եդեսիայէն անցաւ Հայաստան, ուր կռապաշտութիւնը տարածուած էր: Ան համարձակութիւն ունեցաւ արքունիք մտնելու եւ հոն քրիստոնէութիւնը քարոզելու: Այդ ժամանակ հայոց թագաւորը Սանատրուկն էր, որ քրիստոնէութիւնը հալածող նշանաւոր անձնաւորութիւն մըն էր: Պալատի նորադարձ քրիստոնէաներուն մէջ կը գտնուէր նաեւ Սանատրուկի աղջիկը՝ Սանդուխտ կոյսը:

Սանատրուկ, երբ լսեց թէ պալատականներէն շատեր քրիստոնէայ դարձած են, զայրացաւ եւ անմիջապէս սպանել տուաւ զանոնք, իսկ Սանդուխտ կոյսը բանտարկել տուաւ:



Ս. Բարթողիմէոս առաքեալ

Ան Հայաստանի մէջ Գողթան գաւառէն սկսած է քրիստոնէութիւնը քարոզել:


Բարթողիմէոս առաքեալ փութաց Հայաստան, ուր Սանատրուկ թագաւոր սպանել տուած էր Սուրբ Թաղեսը:

Սանատրուկ թագաւորին քոյրը իմանալով անոր հրաշագործութիւններուն մասին, ծածուկ կերպով անոր քով եկաւ եւ մկրտուեցաւ: Այս լսելով թագաւորը բանտարկել տուաւ Ս. Բարթողիմէոսը եւ հրամայեց, որ զայն չարչարեն:

Ապա ժողովուրդը անոր շուրջ հաւաքուեցաւ: Ան ձեռքերը բարձրացնելով օրհնեց զանոնք խնդրելով, որ Աստուած զանոնք հեռու պահէ տգիտութեան խաւարէն: Ապա երկինք նայելով աւանդեց իր հոգին: Ըստ աւանդութեան նոյն ժամուն Ս. Թաղես զայն մարմնով դիմաւորեց եւ երկուքը միասին երկինք բարձրացան:

Այս դէպքը պատահեցաւ մօտաւորապէս 67 թուականին: Առաքեալին գերեզմանը կը գտնուի Աղբակի Ս. Բարթողիմէոս վանքին մէջ:

ԹԻՒԷ ՊԱՏՐԱՍՏԵՑ՝ ՄԱՐՄԻՆԻ ԱՇՈՏԵԱՆ-ՇԱՀԻՆԵԱՆ
ՆԿԱՐԱՍԱՐՈՒՅՑ՝ ՈՒՅՅՈՒ ՔԵՇՈՇԵԱՆ



Կրնա՞ս իւրաքանչիւր անասուն իր համապատասխան շուքին միացնել:





Կրնա՞ս օգնել կապիկին՝ հասնելու պանակին:

Կրնա՞ս երկու պատկերներուն միջեւ հինգ տարբերութիւններ գտնել:



Կրնա՞ս երեք լուցկի շարժելով, հինգ քառակուսիներ կազմել:



ՊԱՏԱՆԻՆԵՐՈՒՆ ՇՈԳԵԿԱՌՔԻՆ ՄԷՋ



Բարի եկած էք Պուտափետթի պատանի վարիչներուն շոգեկառքին մէջ: Հիմա մեր պտոյտը պիտի սկսի անոնց հետ:

Նորպէրթ, Լազլօ եւ Ռոլան շոգեկառքի սիրահար պատանիներ են: Հունգարիոյ մայրաքաղաք Պուտափետթի մէջ, անոնք իսկական շոգեկառքի մը մէջ հաճելի պտոյտ մը պիտի ունենան:

11 քիլոմէթր երկարութիւն ունեցող այս երկաթուղիին վրայ կը շրջին տարին մօտաւորապէս 300.000 ճամբորդ: Շոգեկառքը քաղաքի արեւմտեան շրջանի Պուտայի գեղեցիկ անտառներէն կ'անցնի:

Պատանիները պատրաստ են նոյնիսկ դպրոցէն բացակայելու, երբ շոգեկառքի պատասխանատուն իրենց կարիքը ունենայ: Սակայն կայարանին մէջ տարբեր պաշտօններ ստանձնելու համար, պատանիները դպրոցէն ետք 4 ամսուան յատուկ դասընթացքի մը կը հետեւին: Անոնք կը սորվին, թէ ինչպէս երկաթուղիները պիտի կառավարեն, տոմսակները պիտի ստուգեն ու ծախեն, տեղեկութիւններ փոխանցեն, նշանները ճիշդ ձեւով գործածեն եւ վաճառականական յարաբերութիւններ ունենան: Գիծին վրայ աշխատող չափահասները շոգեկառքը վարողներն ու նորոգութեան պատասխանատուներն են: Իւրաքանչիւր կայարանի մէջ չափահաս մը կը գտնուի՝ ապահովութեան կարիքներուն համար:

Մթնոլորտը շատ զուարթ է: Պատանիները կ'երգեն, կիթառ կը նուագեն: Սակայն երբ անոնք իրենց տարազները կը հագուին, լրջութեամբ կ'աշխատին: Իւրաքանչիւր պատասխանատու եւ անոր պատանի աշխատակիցները մեծ յարգանքով կը բարեւեն զիրար ձեռքերնին իրենց գլխարկին տանելով:

Միակ հարցը այն է, որ անոնք 14 տարեկանէն սկսեալ այլեւս իրաւունք չունին հոն աշխատելու: Ոմանց համար ալ այս հաճելի ժամանցը երբեմն իրենց ապագայի արհեստը կը դառնայ:

ԱՆԱՍՈՒՆՆԵՐՈՒՆ ԱՇԽԱՐՅԷՆ



- Կապոյտ կետին մարմնին բոլոր մասերը շատ խոշոր են: Անոր սիրտը «Կոլֆ» ինքնաշարժի մը չափ է: Անոր լեզուն փիղի մը չափ կը կշռէ: Փոքրիկ մը նոյնիսկ կրնայ լողալ անոր երակներուն մէջ:

- Միջատներ կան, որոնք կ'ուղղուին դեպի յատուկ գոյն ունեցող ծաղիկները՝ բեղմնափոշին փոխադրելու համար: Մեղուները յատկապէս դեպի դեղին եւ կապոյտ ծաղիկները կ'ուղղուին: Կարմիր ծաղիկները մասնաւորաբար թիթեռնիկները կը հրապուրեն: Ճանճերն ու մեծ իշամեղուները սրճագոյն կամ կանաչ ծաղիկները կը նախընտրեն:

- Փիղը իր կնճիթին միջոցաւ կրնայ ծառ մը արմատախիլ ընել: Անոր կնճիթը ունի 100 հազար մկաններ, որոնք այս գործողութիւնը կարելի կը դարձնեն: Ան իր կնճիթով կրնայ նաեւ հաւաքել շատ փոքրիկ ու թեթեւ առարկաներ, ինչպէս՝ ասեղ կամ պիստակ:

- Քանատացի գիտնականներ տարբեր տեսակի երաժշտութիւններ մտիկ ընել տուած են հաւերուն: Ուսումնասիրութենէն յայտնուած է, թէ այն հաւերը, որոնք *փոփ* երաժշտութիւն լսած են, աւելի շատ հաւկիթ ածած են:

- Օդին մէջ ճամբորդութիւն կատարած առաջին անասունները եղած են ոչխար մը, բադ մը եւ աքլոր մը: Անոնք օդապարիկով շատ վիպապաշտ պտոյտ մը ըրած են: Իսկ անջրպետին մէջ առաջին անգամ ճամբորդող անասունը ռուս Լայքա շունն է:

- Մրջիկները ամենէն երկար ապրող միջատներն են: Բանուոր մրջիկն մը կ'ապրի մօտաւորապէս մէկ ամիսէն մինչեւ քանի մը տարի, իսկ թագուիին՝ մինչեւ 20 տարի: Այս ժամանակաշրջանը շատ աւելի երկար է քան թռչուններուն, ձուկերուն եւ ստնաւորներուն կեանքին տեւողութիւնը: